

國朝宮史續編

國朝宮史續編卷之八

典禮二 盛典二

授

受儀二

乾隆六十年十月十八日軍機大臣等議奏

丙辰年舉行

傳位大典所有各直省並各該衙門應行備辦事宜

開列條款豫飭遵照一丙辰年

歸政

嗣皇帝登極頒發

傳位詔書一道鈐用

太上皇帝之寶次用

皇帝之寶所有

恩詔條款一體叙入一

太上皇帝諭旨稱為

勅旨一

太上皇帝仍稱朕字一丙辰年

太上皇帝起居注

嗣皇帝起居注交該衙門敬謹分纂一題奏行文

凡遇

天

祖等字高四格擡寫

太上皇帝高三格擡寫

皇帝高二格擡寫一恭遇

太上皇帝慶節稱

萬萬壽

嗣皇帝慶節稱

萬壽一恭遇

太上皇帝萬壽慶節及元旦冬至令節賀表

嗣皇帝萬壽慶節及令節賀表俱由內閣撰擬表

式一體頒發遵照一丙辰年恭進

列祖

列宗

實錄交內閣循照向例按期於

嗣皇帝前恭進一丙辰年恭遇

大祀由各該衙門具題

嗣皇帝親詣行禮其中祀小祀應行分別  
親詣恭代之處俱循照向例題請一

經筵

耕藉

大閱傳臚各典禮屆期由各該衙門奏請

嗣皇帝循例舉行一恭遇

太上皇帝萬壽慶節令辰一切典禮應用樂章另  
行恭擬交樂部遵用一恭遇

太上皇帝

嗣皇帝慶節令辰及掖

輦巡幸地方內外大臣恭遞慶賀請

安摺俱繕備二分呈遞其隨奏事件請

安摺俱照常繕備一分呈進

嗣皇帝批閱一外廷筵宴由各該衙門循例奏請

嗣皇帝恭奉

太上皇帝親御宴座

嗣皇帝侍坐一切儀注臨時具奏一各部院衙門

題本改簽放缺奏派各項差使俱循例題奏

恭候

嗣皇帝批閱遵行其各部院衙門及各省題奏事

件俱照常式恭繕

皇上睿鑒字樣後書嘉慶年號按照向例呈進不  
必繕備二分一

御門聽政恭候

嗣皇帝折本示期遵辦一鄉會試

殿試

朝考散館及一切考試題目由各該衙門循例



奏請

嗣皇帝命題考試一

嗣皇帝登極後應請

太上皇帝勅旨冊立

皇后所有應行典禮交各該衙門循例遵行一丙

辰元旦

奉先殿

堂子行禮在未

傳位以前

皇太子隨

皇上行禮一陞見文武大員及新授道府以上具摺

恭請

太上皇帝恩訓

嗣皇帝恩訓一丙辰新正遞丹書克仍係奏

太上皇帝詞句且有賀六十年國慶之事應仍於

太上皇帝前恭遞奉

旨依議

太上皇帝萬壽慶節稱賀表式具官某等誠懼誠

忭稽首頓首上

賀伏以

寶命延禧推策啟重光之祚

祥源錫羨環瀛開曼壽之期欽惟

太上皇帝陛下

泰宇純熙

乾符廣運

箕疇闡繹統四得而

德為聖人

軒簾崇增邁十全而養以天下

懋膺多祜申錫無疆臣等恭遇

昌辰欣逢

慶節伏願

康疆逢吉詒燕翼於皇圖

福祿來成迓鴻庥於景算臣等無任瞻

天仰

聖懼忤之至謹奉表稱

賀以

聞

太上皇帝元旦稱賀表式

具官至上賀同前

伏以

仁壽同符獻歲協履端之吉

泰元衍筭授時徵合朔之祥欽惟

太上皇帝陛下

治啟重熙

德隆廣運

太和氣盡涵六合以如春

繼照暉長麗三陽而兆瑞

懋膺多祜慶洽初韶臣等恭遇

昌期欣逢

元旦伏願

九如叶頌添英瑞於堯階

萬福凝釐茂椿齡於軒紀臣等無任瞻

天仰

聖懽忭之至謹奉表稱

賀以

聞

太上皇帝長至稱賀表式具官至上伏以

祥開北陸黃鍾叶吹琯之期

慶集東朝蒼璧應指杓之序欽惟

太上皇帝陛下

德符靈載

福被垓垓

躬上壽以延和笑推迎日介

純熙而協吉臺驗書雲玉燭時雍

彤廷頌洽臣等幸際重光

盛治欣逢亞歲

昌辰伏願

寶錄彌崇兆寰寓醇龐之瑞

洪釐增鬯溥億年茂育之庥臣等無任瞻

天仰

聖懼忤之至謹奉表稱

賀以

聞

皇帝萬壽慶節元旦長至今節稱賀表式具官某



等誠懽誠忭稽首頓首上

賀伏以

德統乾元首正六龍之位

建用皇極肇開五福之先恭惟

皇帝陛下

率育蒼生

誕膺

景命

維圖席瑞共球集而萬國來同

黼宸凝釐陬澁恬而八方和會太平有象

慶祚無疆臣等恭遇

熙朝欣逢

聖誕

元旦長至伏願

玉燭長調溥時雍於九牧

金甌永固綿泰運於萬年臣等無任瞻

天仰

聖懽忭之至謹奉表稱

賀以

聞

太上皇帝三大節樂章

萬萬壽奏乾平之章曰壽祿位名全猶日孜孜寶篆  
錫保佑命膺

天繼序重光福祚延乾符久仔肩文魏煥武昭宣瑞  
應角亢躔龐毓衍萬斯年還宮奏太平之

章曰

曼壽慶瑤樽萬方玉食

至尊

尊舞綵上儀敦堯辰舜丙合乾坤誅蕩啟天門

帝奉

帝孫有孫祥雲燦紫閣歌景福飫洪恩

元旦奏元平之章曰壽寓拱金甌繩武乘乾  
甲子周燕翼篤貽謀

子帝欽承

德澤流歲首建華旂著衍筴海添籌五福萃箕疇

實政

訓鴻猷還宮奏和平之章曰天下養尊宗萬禩

頤和鄧治隆泰運懋延洪嘉會朝正萬國同康強仰  
聖躬

八徵念

十全功勵治尚初衷膺篤祐競呼嵩

冬至奏遵平之章曰陽回玉琯新祇承忤蹈  
率臣民

行健政躬親

問

安侍膳東鴻鈞

帝範示遵循共球集韶護陳

皇祺第祿臻紀馨烈頌恒春  
還宮奏允平之章曰

懿鑠纘義圖雨暘時若泰階符逢年渥澤敷

三除玉粒五蠲租元吉惠心孚

恩匝寓德覃區寅承保

聖謨履端慶舞康衢

三大節丹陛行禮奏慶平之章曰

御寓六旬九有浹深仁

勲華一家禔福臻歲萬又萬頌大椿

文武聖神帝夏皇春

三大節內庭行禮奏難平之章曰難難在宮  
天符人瑞同

太上立德更立功京垓億兆運龐鴻雲初衍慶  
萬福來崇

十月二十六日

皇太子率戶工二部臣請分卯並鑄乾隆嘉慶通  
寶並飭各直省遵照通行奏言欽惟

皇帝陛下

壽宇延洪

仁恩覃洽解阜叶虞琴之奏普甞民生懋遷率周府  
之模通流國寶近自水曹全部遠而藏地回  
疆莫不奉九式之良規仰

萬年之鴻號紹

三朝而裕後布四極以懷珍實厚生利用之資係理  
財正辭之重越來歲丙辰紀序周甲增籌迺  
豫期嘉慶書年初元播

詔近承



國朝文獻卷八  
慈旨合有寶文陶鑄總本於  
大鈞模範勉遵於良冶敢違

成命竊惕下懷伏念錢布為百貨之源事最切乎羣

黎日用載紀歸

一人之統化久洽乎丕冒海隅合八方

澤溥衢尊職貢虔通九牧惟三品利頌泉府輪廓善

仿五銖象有取於大員式孚

乾德號莫崇於

太上最稱

隆名宜秉

一尊長垂萬禩肉好悉依乎

軒製華文敬勒夫

義年如謂嘉興維新慶當同兆兩字本

庭闈之

命一元偕正朔之頒既經

渙號宣綸宜遵

辰告則請都官制幣量酌卯期志

洪恩於初哉首基聿昭年紀錫

寶字於京垓億兆益衍符珍永荷

聖慈祇承

天貺子臣不揣冒昧謹率同戶工二部臣合詞陳請  
自丙辰年為始寶泉寶源二局錢文乾隆嘉  
慶年號各半分鑄至各省俟開鑄之期亦準  
此例除新疆等處照舊遵行外其衛藏錢文  
均令照此辦理從此日引月長泉流山積體  
尊親之共戴鑄自由

堯溥美利於不言行還權子俾荒陬僻壤咸樂

範曰壽曰富之徵且越界踰繩共仰

乾為圓為君之象奉

旨如所請行

國朝宮史續編卷之九

典禮三 盛典三

授

受儀三

乾隆六十年十一月十八日禮部奏進丙辰  
年正月初一日

皇上御太和殿

親授寶璽

皇帝受寶禮成

御太和殿

登極頒發

傳位詔書各儀注奉

旨依議

丙辰元日鑾儀衛陳肉簿於

太和殿前步輦於

太和門外五輜及馴象仗馬黃蓋雲盤均於

午門外樂部設中和韶樂於

太和殿前檐下升陛大樂於

太和門內導迎樂及龍亭香亭均於  
午門外壘儀衛於

太和殿檻內正中設

皇太子拜褥內閣禮部鴻臚寺官於

太和殿東楹設

詔案西楹設表案入設黃案於丹陛正中內閣學士奉  
傳位詔安於東楹案上禮部官陳

傳位賀表於西楹案上內務府官於

御座左右旁設几二大學士內閣學士詣

乾清門請

皇帝之寶內閣學士恭捧大學士從恭設左旁几  
上大學士二八分左右立

殿檐下王以下文武百官朝服咸集朝鮮安南  
進羅廓爾喀各國使臣集於班末欽天監官  
於

乾清門外報時禮部堂官先詣

毓慶宮啟請

皇太子朝服祇候是時後護內大臣二員率侍衛



二十員於

乾清門外禮部堂官二員於門階下前引大臣  
十員於

太和殿後階下咸左右序立禮部堂官奏請  
皇上禮服乘輿出宮

皇太子隨行禮部堂官前引後護內大臣從至  
中和殿後降輿

皇上御中和殿升座

皇太子在殿內西向立鴻臚寺官引執事大臣官

員按班不贊行九叩禮侍班官先趨出就外  
朝班位立中和韶樂作奏元斗之章

皇上御太和殿升座

皇太子在殿內西向立樂止鑾儀衛官進至中階  
右贊鳴鞭階下鳴鞭三鳴贊官贊排班丹陛  
大樂作奏慶平之章禮部堂官導引

皇太子詣正中拜位後立鴻臚寺官排班引王公  
在丹陛上文武百官暨外國使臣在丹墀下  
立鳴贊官贊進跪

皇太子率王公以下皆跪祝賀宣慶賀

傳位表宣表官由西檐入

殿右門從西楹案上奉至

殿檐下正中跪大學士二人左右跪展表樂止

宣訖仍奉原案上退贊興

皇太子仍就立左旁西向大學士二人恭導

皇太子近

御座前跪左旁大學士誦

寶跪奉

皇上親授

皇太子

皇太子跪受右旁大學士跪接奉設

御座右几上大學士導引

皇帝仍詣拜位樂作贊跪叩興

皇帝率王以下行几叩禮贊退樂止禮部堂官奏

禮成贊鳴鞭如前中和韶樂作奏和平之章

太上皇帝啟座乘輿還宮內監豫設樂懸

太上皇帝御內殿

內庭主位公主福晉及未受爵之皇孫皇曾孫  
皇元孫行慶賀禮

皇帝於

保和殿暖閣更服

皇帝禮服內閣學士豫奉

傳位詔

皇帝之寶於

太和殿正中案上禮部官豫奉

登極賀表於殿東楹案上其前引後扈俱侍立於

保和殿外如前儀欽天監官報時禮部堂官奏  
請

皇帝御中和殿執事大臣官員按班不贊行九叩  
禮趨出就班次如前

皇帝御太和殿登極中和韶樂作奏元平之章  
皇帝升寶座樂止贊鳴鞭如前丹陛大樂作奏慶  
平之章贊進跪如前贊宣慶賀

登極表宣表官由東檐入

殿左門奉東檐前案上表文樂止宣讀如前樂

作贊叩興王公以下暨外藩各國使臣行九叩禮退復班次立大學士進

殿左門禮部堂官進至檐下大學士奉

詔由闌東出

殿中門授禮部堂官禮部堂官跪受興奉至丹陛正中黃案上恭設行三叩禮興復奉由中階下至丹墀陳於雲盤內禮部官一員跪受興由中道出禮部堂官奏禮成贊鳴鞭如前中和韶樂作奏和平之章

皇帝啟座乘輿還宮大學士內閣學士詣

乾清門送

寶禮部恭鐫

傳位詔書頒行天下

詔曰朕纘紹丕基撫綏函夏勤求治理日有孜孜仰  
賴

上天眷佑

列聖貽謀寰宇乂安烝黎康阜聲教四訖中外一家  
御極以來平定伊犁回部大小金川擴土開疆數



萬餘里緬甸安南鄺爾喀以及外藩屬國咸震懾  
威稜恪修職貢其自作不靖者悉就殄除功邁十  
全恩覃六合晉免各省漕糧者三地丁錢糧者四  
展義巡方行慶施惠蠲逋賑貸不下數千萬億振  
興士類整飭官常嘉與萬邦黎獻海隅蒼生同我  
太平躋之仁壽朕持盈保泰弗懈益虔厘念雨暘  
周諮稼穡於庶言庶獄庶慎靡不躬親宥密單心  
時幾文初用疊上副

祖宗付畀之重下撫億兆仰戴之誠日慎一日六十

年於茲矣回憶踐阼初元曾默籲

上蒼若紀年周甲當傳位嗣子不敢仰希

皇祖以次增載今敬述

洪釐幸符初願朕康彊逢吉九旬望表五代同堂積

慶延祺光於往牒非

吳慈篤佑申命用庥曷克臻此

天生民而立之君使為司牧授受之際敢不兢兢溯

自癸巳

南郊即以嗣位皇子之名默奏

上帝並於盛京恭謁

祖陵敬告

列祖在天之鑒昨冬頒朔屆期特宣布詔旨明定儲  
位以丙辰為嘉慶元年豫勅所司敬議歸政典禮  
皇太子秉性謙冲臚誠固讓率同內外王公大臣  
等具章請朕至百歲始行斯典但

天聰維聰朕志先定再四申諭勿得懇辭皇太子仁  
孝端醇克肩重器宗祏有托朕用嘉焉已諏吉祇  
告

天

地

宗廟

社稷皇太子於丙辰正月上日即皇帝位朕親御太和殿躬授寶璽可稱朕為太上皇帝其尊號繁文朕所弗敢毋庸奏上凡軍國重務用八行政大端朕未至倦勤不敢自逸部院衙門及各省題奏事件悉遵前旨行履端首祚禪授上儀宜沛新綸同敷愷澤所有合行事宜條列於左一在京在外諸

王以下至公等以上俱加恩賜一內外自公主以下至格格各加恩賜一內外滿漢文武大小官員俱加一級一內外大小各官除各以現在品級已得封贈外凡升級及改任者著照新銜封贈一文官在京四品以上在外三品以上武官在京在外二品以上照現任品級各廕一子入監讀書一內外文職自四品以下武職自三品以下降革留任及住俸罰俸處分准其開復一會試額數俟禮部臨期奏明人數請旨酌量廣額鄉試大省加三十

名中省加二十名小省加十名滿洲蒙古加六名  
漢軍加三名一各直省入學額數大學加七名中  
學加五名小學加三名一國子監貢監生及各官  
學教習免坐監一月一各直省儒學無論府州縣  
衛俱於本年以正貢作恩貢次貢作歲貢一每府  
州縣衛各舉孝廉方正暫賜以六品頂帶禁身以  
備詔用務期採訪真確毋得濫舉一

歷代帝王陵寢

孔子闕里及五嶽四瀆等祀應遣官致祭者照舊

例舉行一官吏兵民人等有犯除謀反叛逆子孫  
謀殺祖父母父母內亂妻妾殺夫奴婢殺家長殺  
一家非死罪三人採生折割八謀殺故殺真正人  
命蠱毒魘魅毒藥殺人強盜妖言十惡等真正死  
罪不赦外軍機獲罪隱匿逃人亦不赦外其餘自  
嘉慶元年正月初一日以前已發覺未發覺已結  
未結者咸赦除之有以赦前事告訐者以其罪罪  
之一各省軍流八犯查明到配三年實在安靜守  
法及年逾七十者釋放回籍一各旗籍內務府并

五旗包衣人等凡侵貪挪移一切賠罰應追銀兩  
實係本人家產盡絕者查明准與豁免其分賠代  
賠以及牽連著賠者一概豁免一凡官員因公賠  
罰等項而其子孫又代祖父著賠者查明寬免一  
旗營官兵有因出征及被災借支俸餉者免其扣  
還一滿漢兵丁曾經効力行間因被傷年老閑住  
者除例得優卹外查明酌加恩賚一各直省有同  
堂五世及親見七代者除例賞扁額外查明各加  
恩賞一天下之本農為重各府州縣衛果有勤於



耕種務本力作者地方官不時加獎以示鼓勵一  
年老之人自古所重滿漢七十以上除家奴外給  
與品級之處該部查議具奏一除五旗包衣佐領  
下披甲八等不實外八旗滿洲蒙古漢軍護軍披  
甲八礮手步軍各賞一月錢糧一軍民年七十以  
上者許一丁侍養免其雜派差役八十以上者給  
與絹一疋棉一觔米一石肉十觔九十以上者倍  
之一各處養濟院所有鰥寡孤獨及殘疾無告之  
人有司留心以時養贍無致失所於歲常厥德保

厥位深維

創業垂統之心本諸身徵諸民聿昭繼體守文之治

欽此予小子祇承

慈命勉荷洪圖謹奉宣

勅旨布告天下咸使聞知

太上皇帝授寶傳位賀表

子臣率王公大臣等謹奏丙辰元旦

皇父太上皇帝親授大寶子臣敬承

慈命謹率同王公文武大臣等奉表恭

賀者伏以

乾符廣運貞元協悠久之徵

泰寓洪延

授受際純熙之會欽惟

皇父太上皇帝陛下

仁同壽載

壽益歲軒

膺寶錄而升馨繩

武願符週甲

御大廷而畀璽執中敬守

傳心稱鉅典於元正祥開首祚集蕃釐於

太上吉兆重光却

崇號以示冲綜文武聖神莫名魏蕩勒

鴻章而誌喜綽

位祿名壽共戴

尊親子臣祇受

洪圖欽承

渙詔輯共球於萬國賡颺臚率土之歡衍章節於

億齡亭育何如

天之福伏願

皇春日永祥和播南朔東西

聖壽川增曼羨積京垓兆紳子臣及諸臣等曷勝欽  
悅慶忭之至謹奉表稱

賀以

聞

皇帝受寶登極賀表

王貝勒文武官員臣等誠惟誠忭稽首頓首

上

賀伏以

貞符肇啟上儀崇芝璽之文

大寶凝承景命顯蘿圖之瑞恭惟

皇帝陛下

泰元建極

精一傳心

彤廷東

親授之謨祥開億禩

黼衣表知臨之德威際重光雲縵星輝溥六合而  
嘉徵有象川珍嶽貢輯九如而

慶洽無疆

駿業方亨

鴻圖式煥臣等忝隨鵷列欣遇

龍飛伏願

鼎祚延洪裕太平於調燭

樞宸端拱基邠治於垂裳臣等無任瞻

天仰

聖懼忤之至謹奉表稱

賀以

聞

嘉慶元年二月十七日禮部奏恭照乾隆五

十四年

皇帝肇封嘉親王所有

金冊

金寶並

皇后肇封福晉



全冊前經製造存貯相應奏明恭繳奉

勅旨知道了尋軍機大臣等傳奉

諭旨著交禮部堂官將此項冊寶敬謹收貯於朕  
本月十三日進宮齊戒次日清晨用彩亭安放  
賞送前星門交總管太監接收以便照重華宮  
例式在毓慶宮供奉

國朝宮史續編卷之十

典禮四  
盛典四

授

受儀四

高宗純皇帝聖諭

臣等謹案乾隆二十七年以來所奉

聖諭攸關於

內政之修明

皇躬之端本者謹已立為

訓諭一門伏思

初元告

天周甲歸政志雖先定而

聖心淵穆未播絲綸蓋以事關大計年匪耄期無庸  
以宥密早為宣示也至乾隆戊戌始有通

諭中外之

旨計在癸巳定

嗣五年之後

聖訓煌煌無彊基祚自後引申暢發凡以昭

授

受之隆規者次第登載以重

上儀

乾隆四十一年十一月十二日奉

諭旨朕御極之初大學士等奏請避朕御名朕以避名之典雖歷代相沿實乃文字末節無關大義特降諭旨遇朕御名上一字少寫一點下一字將中間亦字書為木字以存其義至臣工命名有相同者概不令改易彼時趙宏恩曾請改避亦未允行若二名不偏

諱聞之孔子而嫌名不諱則韓愈諱辯言之甚詳是以朕於御名同音之字凡臣工奏對俱不令迴避衆所共知至于清字既不可缺筆而十二字頭之字本少每一字必對音數字至十餘字不等與漢字嫌名無異更何必諱乎即漢字亦有不能盡同者如水字世所習用而體義亦不宜缺筆綿字為民生衣被常稱尤難迴避且皇子輩永字乃

皇祖欽定皇孫輩綿字則朕所命名而近派宗支蕃衍依次取名者愈久愈多我世世子孫自必遵朕舊章

不令改易第恐後來臣工等不能深體朕意妄謂於  
心不安輕有所請或致無可適從自當豫示折衷以  
垂法守朕以為與其改衆人之名以避一人之名莫  
若改一人之名使衆無可避較為妥善將來繼體承  
緒者惟當以永作以綿作是則係不經用之字缺  
筆亦易而永綿等字均可毋庸改避至於清文則仍  
其舊總不必改避其奕字輩以下則所謂過此以往  
朕未之或知然亦可推廣此意永遠遵行此旨著軍  
機大臣敬謹存記並繕錄二通一交內閣封存一令

阿哥等於書房恭貯敬識朕常有願俟春秋八十有五卽當歸政至時再行宣示

乾隆四十三年九月二十一日奉

諭旨朕厯覽諸史今古異宜知立儲之不可行與封建井田等實非萬全無弊之道也蓋一立太子衆見神器有屬幻起百端弟兄既多所猜嫌宵小且從而揣測其懦者獻媚逢迎以陷於非其强者設機媒孽以誣其過往往釀成禍變遂致父子之間慈孝兩虧家國大計轉滋罅隙平心而論其事果有益乎無益乎

且人君當以堯舜為法唐虞之世無所謂太子者即  
夏后氏不傳賢而傳子亦云啟賢能敬承繼禹之道  
未聞立啟為太子紂以立嫡而喪商若立微子之庶  
商未必亡也太子之名蓋自周始禮記因有文王世  
子之篇其後遂相沿襲然至幽王時太子宜臼即以  
讒廢後世若漢武帝之立太子據卒為江充構陷致  
有巫蠱之禍唐太宗立太子承乾亦為魏王泰讒構  
竟以謀逆廢黜即明洪熙為太子時漢王高煦百計  
相傾東宮諸臣接踵下獄幸而洪熙謹慎得以保全



然以憂讒畏譏成疾在位弗克永年史冊所載大都  
可考得不引以為鑑乎至於立嫡立長之說尤非確  
論漢之文帝最賢並非嫡子使漢高令其嗣位何至  
有呂氏之禍又如唐太宗為羣雄所附明永樂亦勇  
畧著聞使唐高祖不立建成而立太宗明太祖不立  
建文而立永樂則元武門之變金川門之難皆無自  
而起何至骨肉傷殘忠良慘戮此立嫡立長之貽害  
不大彰明較著乎我朝

家法實為美善

太宗

世祖

聖聖相承皆未豫定儲位蓋

天命人心所屬自符萬年垂裕之謀迨

皇祖時曾立理密親王為皇太子亦因羣小從而蠱惑  
遂致屢生事端幸而

皇祖洞燭先幾即行廢黜尚冀其悔悟而復立之尋仍  
以怙終再廢自是

皇祖遂不復建儲而

屬意於我

皇考使理密親王弘哲父子繼踐尊位豈大清宗社臣  
民之福乎迨康熙六十一年十一月

皇祖龍馭上賓

皇考紹膺大寶中外怙然雍正元年

皇考親書朕名緘藏於乾清宮正大光明扁內而不豫  
宣布及雍正十三年八月

皇考升遐遵

向諭敬啟

御玉朕即贊承洪緒衆皆欽悅乾隆元年朕效法

前徽以皇次子為

孝賢皇后所出八亦貴重端良曾書其名立為皇太子而藏其名於正大光明扁內未幾薨逝遂將前旨徹出明示衆人謚為端慧皇太子不復再立且皇七子亦

皇后所出又復逾年悼殤而以長以賢則莫若皇長子皇五子亦相繼病逝設如古制之亟亟有冊立之事則朕在位而前星四隕復成何事體故不得不慎

也然此等大事朕未嘗不計及也曾於乾隆三十八年冬手書應立皇子之名密緘而識藏之並以其事諭知軍機大臣特未明示以所定何人而是年冬至南郊大祀命諸皇子侍儀觀禮因以書立皇子之名默禱

上帝如其人賢能承國家洪業則祈

佑以有成若其不賢亦願潛奪其算毋使他日貽誤予亦得以另擇元良朕非不愛己子也然以宗社大計不得不如此惟願為天下得人以繼

祖宗億萬斯年無疆之緒此意

是蒼實式憑之是朕非不立儲特不肯顯露端倪俾衆人有所窺伺耳此正朕之善於維持保護

天地

祖宗寶鑒朕心若子子孫孫能以朕此心為心則我大清億萬斯年又永承

天佑也然朕此舉天下臣民無由共聞未嘗無竊議朕為貪戀寶位不肯立儲不知朕踐阼之初曾焚香告天云昔

皇祖御極六十一年予不敢相比若邀

穹蒼眷佑至乾隆六十年乙卯予壽躋八十有五即  
當傳位皇子歸政退閒第此意向未宣示衆亦不  
能深悉也迨朕六旬大慶後即勅豫算寧壽宮為  
將來優游頤養之所臣工應莫不共聞共見豈有  
所偽飾乎今朕春秋六十有八康強尚如昔時自  
當代

上天愛養億兆董治百官以期無負

祖宗付託之重必不敢遽釋仔肩但今距乙卯尚十

七年為日甚長若朕精力始終不懈惟當日慎一日兢業守成克全朕之初志豈不甚善設或七旬八旬以後神志稍衰不能似今之精勤求治亦不肯貪天位以曠天工且歷代帝王享位四五十餘年而歸政者實所罕覩朕非知足者又何必定以六十年為期乎昔唐宣宗聞裴休立儲之請曰若立太子則朕為閒人又宋仁宗儲位既定鬱鬱不樂宋英宗立太子後泣然涕下皆朕所嗤鄙曾於批閱通鑑輯覽時評斥其非妄肯踵其庸陋之



見乎且此數君之所以戀戀不舍者惟知席豐履  
厚以為君為樂而不知為君之難也自朕論之人  
君一日二日萬幾庶司百職之事皆其事非躬親  
總攬則柄或下移其弊將無所底止豈能稍自暇  
逸而天下之大羣黎之眾疾苦時繫於衷非先事  
疇咨民隱或無由上達宵衣旰食不遑寧居但覺  
其難而不覺其樂若至倦勤歸老乃可以釋重負  
而圖真樂此理顯而易曉朕久積有深願但如宋  
高宗孝宗值多事之秋當勵其有為之志乃未及

耄期而遽行內禪圖遂一己之佚樂而不顧國計  
之重輕其人實不足取則又朕所深薄者耳又前  
史所載每有因愛其母而欲立其子者遠代姑弗  
具論如明神宗寵鄭貴妃諸臣遂有立愛之疑共  
為建儲之請盈廷爭執致首相王錫爵為朝士所  
逼幾欲自戕尚復成何政體本朝

家法則無是也至於朕現在之諸皇子皆已無所生  
妃母寧復有愛憎之見忝其中乎又古來惟以豫  
教之說屬之太子於是明季遂有因儲嗣未定不

肯令皇子出閣者衆皆起而爭之此甚非理若我  
國家之制諸皇子六歲以上即就尚書房讀書即  
皇孫皇曾孫亦然既選京堂翰林以分課其讀復  
派大學士尚書數人以總視其成史簡滿洲蒙古  
大臣侍衛等以肄之國語騎射長幼相聚昕夕程  
功初無歧視之心詎有嫌疑之迹實大異乎勝國  
之所為也蓋從來諫請立儲者動輒徵引古說自  
以為得忠臣事君之道不知其心隱以為所言若  
得採納即屬首功可博他日之富貴名議國是而

實為身謀即或其年已老亦為其子孫計大端不  
出乎此朕今為之扶其隱微作偽者尚何所托辭  
乎總之不可不立儲而又不可顯立儲最為良法  
美意我世世子孫當遵守而弗變者倘億萬年後  
或有拘泥古說復立太子之人必不能安然無恙  
及禍患既生而始歎不悟朕言悔當晚矣朕此意  
本欲俟將來歸政時再行宣布以明朕心因昨有  
錦縣逆犯金從善逞其悖逆邪說甚以不正之運  
自待一語毀斥本朝其罪固不容誅恐天下臣民

雖不敢如逆犯之抵觸而立儲之說未必不耿耿  
潛蓄於心用是反覆開導明白宣諭俾中外知之

乾隆四十八年九月三十日奉

諭旨朕閱館臣所進職官表志詹事府一門其按語  
內稱詹事為東宮官屬我國家萬年垂統家法相  
承不事建儲冊立詹事府各員留以備詞臣升轉  
之階等語是書館臣因朕前降諭旨於建儲一事  
之斷不可行明切訓示故於按語內特為揭出其  
實書生拘迂之見豈能深計及此且使是書留傳

後世安知不又訾議館臣為無奈迎合諭旨非其  
本懷耶用是不得不再為明白宣諭夫堯授舜舜  
授禹唐虞固公天下即禹之傳啟亦非於在位時  
有建立太子之事三代以後人心不古秦漢豫立  
太子其後爭奪廢立禍亂相尋不可枚舉逮而唐  
高祖立建成為太子至於兄弟相殘建成被害近  
而明神宗朝羣臣奏請豫立國本紛紜擾亂大率  
皆為後來希榮固寵之地甚至宵小乘間伺釁釀  
為亂階如從擊等案神宗召見太子泣為慰藉父

子之間至於如此閱之真可寒心可知建儲冊立  
非國家之福召亂起釁多由於此即以我朝而論  
皇祖時理密親王亦嘗立為皇太子且特選公正大  
臣如湯斌者為之輔導乃既立之後情性乖張即  
湯斌亦不能有所匡救羣小復從而蠱惑遂至屢  
生事端上煩

皇祖聖慮終致廢黜且即理密親王幸而無過竟承  
大統亦不過享國二年其長子弘皙縱欲敗度不  
克幹蠱年亦不水使相繼嗣立不數年間連遭廢

故豈我大清宗社臣民之福乎是以

皇祖有鑒於茲自理密親王既廢不復建儲迨我  
皇祖龍馭上賓傳位

皇考紹登大寶十三年勵精圖治中外肅清

皇考敬法

前徽雖不豫立儲位而於宗祏大計實早為籌定雍  
正元年即

親書朕名絨藏於乾清宮正大光明扁內又另書密  
封一匣常以隨



身至雍正十三年八月

皇考升遐朕同爾時大臣等敬謹啟視傳位於朕之御筆復取出內府緘盒密記數對膺合人心翕然此天下臣民所共知者也朕登極之初恪遵

家法以皇次子乃

孝賢皇后所生嫡子為人端重醇良依

皇考之例曾書其名藏於乾清宮正大光明扁額後乃稟命不融未幾薨逝遂命大學士鄂爾泰張廷玉等將其名徹出追謚為端慧皇太子是未嘗不

立嫡也但不以明告衆耳嗣後皇七子亦

孝賢皇后所出秉質純粹深愜朕心惜不久亦即  
悼殤其時朕視皇五子於諸子中覺貴重且漢文  
滿洲蒙古語馬步射及算法等事並皆嫻習頗屬  
意於彼而未明言乃復因病旋逝設依書生之見  
規仿古制繼建元良則朕三十餘年之內國儲凡  
三易尚復成何事體是以前於癸巳年復書所立  
皇子之名藏於匣內常以自隨是年

南郊大祀令諸皇子在

壇裏事曾以所定皇子默禱於

上帝若所定之子克承堂構則祈

昊蒼眷佑俾得年命延長倘非

天意所屬則速奪其算朕亦可另為選擇毋誤我國

家宗社生民重寄本年恭詣

盛京祇謁

祖陵亦如告

天之言默祝於

太祖

太宗之前仰祈

靈爽式憑永垂昭鑒朕非不愛子也誠以宗社為重  
若朕之子孫皆以朕此心為心實大清國億萬斯  
年之福也今日召對諸皇子及軍機大臣面降此  
旨即朕前所默告

上帝

祖

宗之言豈容有絲毫虛飾耶朕於天下一切庶務無  
不宵旰勤求悉心籌畫寧於繼體付託之重轉不

早為定計乎秋間朕於避暑山莊河岸御鎗打鵝  
鵲失足落水濕衣其時不特御前王公大臣等聞  
知俱即趨至問安即漢軍機大臣亦接踵前赴該  
處朕乃率伊等談笑而行並未有因內廷禁地太  
監等敢於阻止者設朕起居偶有違和太監等俱  
可直詣寢所此皆由朕平日君臣一體無日不接  
見諸臣面奉諭旨何至有若前代夜半禁中出片  
紙之語為杞人之憂乎總之建儲一事即如井田  
封建之必不可行朕雖未有明詔立儲而於

天

祖之前既先為齊心默告實與立儲無異但不似往  
代復輟之務虛名而受實禍耳故現在詹事官屬  
雖沿舊制而其實一無職掌祇以備員為翰林升  
轉之資因再明切宣諭我子孫其敬承勿替庶幾  
億萬年無疆之休其在斯乎總之此事朕亦不敢  
必以為是其有欲遵古禮為建立之事者朕亦不  
禁俟至於父子兄弟之間猜疑漸生釀成大禍時  
當思朕言耳並諭館臣將此旨冠於是編之首俾

天下萬世咸知朕意

十月十九日奉

諭旨朕歷覽前代建儲諸弊及我朝

家法相承於立儲一事之不可行已明降諭旨宣示  
中外至史冊所載因建立儲貳致釀事端者不可  
枚舉自當勒成一書以昭殿鑒著諸皇子等同軍  
機大臣及尚書房總帥傅等將歷代冊立太子事  
蹟有關鑑戒者採輯成書陸續進呈即著皇孫等  
之師傅為謄錄書成名為古今儲貳金鑑

十二月初八日奉

諭旨朕恭閱康熙三十三年

聖祖實錄禮部奏祭

奉先殿儀注將皇太子拜褥設置檻內

上諭尚書沙穆哈曰皇太子拜褥應設檻外沙穆哈

即行奏請

諭旨祀於檔案經

聖祖降旨交部嚴加議處部議革職一事禮臣安設

拜褥未經既經



聖祖面諭業已遵奉移設乃沙穆哈胸中即豫存畏  
忌皇太子之見奏請

諭旨記檔以為日後卸責地步我

皇祖洞燭其隱將伊革職以

皇祖之仁慈大度皇太子維時年幼尚無縱恣事蹟  
禮臣因關係儲位即心懷顧忌如此厥後日漸失  
德致遭黜廢夫仁如

聖祖冊立儲貳猶致有理密親王之事設後之人主  
未能如

聖祖之慈愛明哲而為太子者又不能小心謙謹必致漸生嫌隙鮮有能始終獲保萬全之理可見建儲冊立之斷不可行也在書生拘墟之見必有竊議其非而後之人不思深慮遠仍踵前轍或啟事端彼時當益信朕言之早經灼見耳前經朕疊頒諭旨明切曉諭並令皇子及總師傅軍機大臣等編輯古今儲貳金鑑垂示久遠因恭閱

皇祖實錄禮臣安設拜褥請

旨記檔即此一節益可見朕所慮之不爽並令編入

古今儲貳金鑑卷首

乾隆四十九年十二月初六日

上召見諸皇子大學士軍機大臣

謝曰昨和坤福長安伊齡阿覆審內務府郎中海紹  
妄斷地畝釀成八命一案訊出海紹曾於上年十  
月具稿呈堂內務府大臣俱經閱畫而原叅摺內  
未將曾經畫稿之處聲明實屬迴護請將內務府  
大臣交部嚴加議處朕以內務府大臣取巧迴護  
自應嚴議乃述旨時僅寫餘依議字樣竟未聲明

叙入經朕硃筆添出蓋因六阿哥兼管內務府欲  
為之隱諱耳方今綱紀肅清諸皇子皆敬慎小心  
奉公守法諸臣亦斷無有畏憚迎合者而因有皇  
子在內形跡之間猶不免稍存瞻顧此甚非也即  
朕有錯誤處不容大臣及御史等明言乎即如前  
代之建儲冊立其流弊不可屈指數朕近閱

皇祖聖祖仁皇帝實錄康熙三十六年八月

上諭內務府總管海喇孫等膳房八花喇額楚哈哈  
珠子德住茶房八推頭伊等私在皇太子處行走

甚屬悖亂著將花喇德住雅頭處死額楚文與伊  
父英赫紫圍禁家中一事其時理密親王尚在年  
幼

皇祖何等英明而膳房人花喇等即敢心存彼此依  
附覬覦

皇祖洞燭先幾將花喇等正法以示懲創厥後羣小  
復從而蠱惑遂致屢生事端上煩

皇祖聖慮終至廢黜自理密親王既廢不復建儲迨  
我

皇祖傳位

皇考十三年勵精圖治中外肅清及朕繼承洪業五十年間日理萬幾朝乾夕惕重熙累洽海宇昇平使理密親王及弘哲父子繼踐尊位不數年間屢遭事故豈大清宗社臣民之福乎夫以我

皇祖之慈愛明哲猶有理密親王之事設後之人主未能如

皇祖之仁慈英斷而為太子者又不能小心謙謹必致漸生嫌隙鮮能始終獲保萬全之理可見建儲

冊立之斷不可行也又朕偶閱續通志載李林甫  
搆陷太子瑛一事紀載未明因檢查通鑑輯覽稱  
明皇惑於武惠妃之譖欲廢太子瑛張九齡犯顏  
強諫武惠妃密使宮奴謂九齡曰有廢必有興若  
為之援宰相可長處九齡叱之即以其語奏聞明  
皇為之動容九齡實賢臣若使明皇能斷應立抵  
武惠妃之罪乃致九齡反罷斥李林甫專國阿附  
宮闈搆陷太子卒與鄂光二王廢黜同日賜死夫  
以儲位之故搆煽又乘致明皇一日而殺三子天

下銜免足見儲貳一建幻起百端弟兄既多所猜嫌宵小且從而揣測其懦者獻媚逢迎以陷於辜其强者設機媒孽以誣其過往往釀成禍變遂致父子之間慈孝兩虧而臣工亦必由此身罹刑憲平心而論其事果有益乎無益乎朕即位之初即默告

上天若蒙

穹蒼眷佑願如

皇祖御極六十年之久不敢復有奢望其時朕年甫



二十五歲並未計及六十年當至八十五歲至過  
五旬萬壽後始憶及此因暇日侍

聖母時面奏及此曾蒙

慈訓皇帝如此勤政愛民天下臣民亦必不肯聽皇  
帝歸政朕因默念若得

上天嘉佑

聖母壽踰百齡朕即八十五歲亦何敢即言歸政今  
既始願不遂追憶斯言實深悲咽朕春秋七十有  
四距歸政尚十一年自當仰體

上天愛養億兆重治百官猶日孜孜不敢自暇逸倘  
蒙

嘉貺將米得歸政頤養親為授受豈非古今稀有之  
盛事而朕之心亦可明於天下後世朕辦理天下  
一切大小庶務無不宵旰勤求悉心籌畫即安置  
一物亦必期其穩妥寧於繼體付託之重轉不早  
為詳慎定計是朕非不立儲特不肯效立儲之虛  
名俾衆人有所窺伺致父子之間有責善則離之  
不祥此正朕維持調護之殷衷

天地

祖宗實鑒朕心若子子孫孫皆能以朕此心為心則  
我大清億萬年可永承

鴻貺於無疆也總之立儲一事如井田封建之必不  
可行尚有過之將來書生拘墟之見必有心生竊  
議且謂今日諸臣有意迎合不知此等陽為國家  
根本之論而陰實遂其鑽營結納之私即億萬年  
後朕之子孫有泥古制而慕虛名復為建立之事  
者亦所不禁但人心不古如江河日下之勢父子

之間必有為小人構成釁隙復啟事端彼時始信  
朕言之不爽然悔已晚矣此事前屢頒訓諭並令  
皇子及總師傅軍機大臣等編輯古今儲貳金鑑  
垂示久遠茲恭閱

皇祖實錄處治膳房人花喇等事用是再行明切申  
諭並著補載入古今儲貳金鑑

乾隆五十年十一月二十九日奉

諭旨五十一年正月初一日日食業經頒諭停止朝  
賀其救護典禮禮部遵例奉行朕躬仍於內殿恭

設香案虔中新禳以答

上天垂象儆惕修省之意至於下詔求言史冊所稱  
朕以為轉涉虛文蓋事

天以實為人君者敬

天勤民躬理庶務日慎一日乃職分所當然即大臣  
言官應行陳奏事件原當隨時入告豈待日食然  
後求言況今每日御使殿聽政批答奏章大學士  
軍機大臣及九卿科道等不時召見諮詢政務即  
外省自督撫至道府無不隨到宣召未致民隱壅

於上聞至因日食方始下詔求言耶至薄蝕天變  
日時度數有定昔宋仁宗康定元年正月丙辰朔  
應日食先是日官楊惟德等請移閏於庚辰年則  
日食在前月之晦帝曰閏所以正天時而授民事  
其可曲避乎不許所見甚為合理蓋凡日食必以  
合朔移於晦日尤為非理又考漢唐以來如光武  
帝建武二年北魏孝文帝延興四年太和十四年  
唐太宗貞觀六年均以正月朔日食昔我

皇祖時以康熙三十一年及五十八年正月朔日食

且三十一年有錫伯公爾察達呼爾等來歸喀爾喀格楚爾喀亦以屬裔來歸之事可見日食為定數而君人者則當因此益加戒懼至於以改移為消弭之說則尤斷斷不可朕踐阼之始即叩

天默禱以若蒙

天佑享國至六十年即當傳位歸政不敢如

皇祖之數逾花甲今幸五十年來壽逾古稀康強如昔惟有宵旰勤求不遑暇逸以仰副

上天眷顧之殷

祖宗付託之重設以天變為可消弭即於今歲歸政則是欲移咎後人圖卸己責如宋高宗年未六十傳位孝宗置軍國大事於不問不獨無以對

天并無以對於朕豈肯出此乎從前推算天行度數乾隆六十年乙卯亦當正旦日食與今歲同若於是年歸政則值嗣子首歲元旦尤屬非宜朕心亦有不忍何若以是歲為朕臨御六十年頤和錫福之餘即以次年為嗣子迎

庥政元之始國祥家慶



天日重光以符朕首祚之祈以紹我大清億萬年之  
寶命不其懿歟然此願亦不敢期必總以猶日孜孜  
以靜俟

上天垂佑耳將此通諭中外臣民咸知朕意

乾隆五十九年八月十五日奉

諭旨朕臨御天下五十九年仰蒙

吳倉眷佑

列聖貽庥薄海昇平梯航向化重熙累洽惟日孜孜  
無時不以敬

天勤民為念行慶施惠錫祐延禧普免消糧二次地  
丁錢糧四次而偶遇水旱偏禔隨時蠲租賜復賑  
貸兼施不下帑金數千萬兩所以休養生息子愛  
黎元至周且渥茲紹膺統緒明年正屆六十年粵  
稽史冊前代帝王享國長久者未可多得即有一  
二或係冲齡踐阼用能多厯年所朕則春秋二十  
有五始即位誕膺大寶迄今八旬開四康強逢吉  
五代同堂景運增隆宸瀛寧謐享國之年辛周甲  
子壽祚延洪實為古今罕觀之盛事此皆上蒙

吳貺駟蕃克膺備福朕於感荷之餘彌深兢業早經  
欽天監推算六十年元旦日食上元月食古來史  
傳所載有日食修德月食修刑之說固因

上天垂象理宜修省其實君人之道於德刑二事平  
日本宜刻深兢勵亦何待日月薄蝕始懷寅戒之  
心應天以實不以文與其託諸空言寧若見諸行  
事之實修德莫大於愛民若輩敷恩澤加惠閭閻  
俾海寓子民共臻樂利則所謂修德孰大於是所  
有六十年各省應徵漕糧著再加恩普免一次其

應如何分年輪免之處仍著該部核議具奏至以  
修刑而論則停免勾到即所以恤刑但赦非善政  
利於宵小而不利於善良昔人即有此論明年係  
六十年國慶後歲丙辰為嗣皇帝即位元年俱應  
錫慶施仁務恤刑獄若今年停勾則三年連緩秀  
民恃有寬政作奸犯科者無所儆畏轉非辟以止  
辟之意是以本年仍照舊勾到明年元旦著照五  
十一年之例不御殿不受朝賀是日午後向有諸  
王暨皇子皇孫等內廷家宴之例五十一年元旦

日食復圓後曾經舉行明歲完係六十年周甲年  
分所有內庭家宴亦著一併停止舉行朕於是日  
亦不御禮服照每年例恭謁

奉先殿

堂子及

先帥各等處行禮時御龍袍貂褂將屆日食時即  
換常服以示寅恭而寓修省日月薄蝕踰度本屬  
有定數千百年後皆可推算而得所謂千歲之日  
至可坐而致但元旦上元適值日月虧蝕究為

昊穹示儆之象幸

天恩垂佑適在明歲為朕即位周甲告成之年自應  
祇承無斁設在丙辰正月則為嗣皇帝即位之元  
年於吉祥盛事轉為未慊是即日月薄蝕一事而  
上天之篤祐朕躬以貽我子孫萬年無疆之庥者至  
優至厚朕惟有益感

天恩倍深乾惕又明年乙卯為朕臨御六十年不欲  
於萬壽節前由熱河回京受賀今春因中外臣工  
懇請舉行慶典適以上冬雪澤未獲優霑春間又

復缺雨業經降旨宣諭令將明年慶典停止舉行  
若仍照庚戌年八月之例於萬壽前回京則王公  
外藩以及大小臣工等必又再四懇請舉行慶典  
則似朕今春所降諭旨轉為不誠是以明年仍定  
於熱河駐蹕過萬壽後再行回鑾俟至丙辰正月  
歸政嗣皇帝以符正月上日受終文祖之義彼時  
備儀授受盛典光昭嗣皇帝率領臣民以天下養  
介禧祝嘏慶洽敷天尤為千古罕觀盛事實我大  
清億萬載無疆之福也將此通諭知之

乾隆六十年十月初八日奉

諭旨朕自臨御以來勤求民隱日有孜孜惟期藏富  
於民家給人足仰荷

吳倉眷佑

列聖貽庥寰宇昇平重熙累洽行慶施惠閭閻頻加  
節經普免天下漕糧三次地丁錢糧四次其餘遇  
有偏災隨時蠲賑不下千億萬兩近將各省積欠  
錢糧概行蠲免又復千餘萬兩所以于惠元元休  
養生息者至周且渥今朕紀年慶符周甲丙辰元



旦舉行歸政典禮為嗣皇帝登極初元大廷授受  
篤祐延釐實為千古吉祥盛事允宜廣沛恩綸俾  
溥海羣黎共霑湛愷本於新正傳位後降旨但思  
二月間即屬開徵之期恐遠省接奉稍遲著將嘉  
慶元年各直省應徵地丁錢糧通行蠲免以示朕  
與嗣皇帝愛育閭閻錫恩至意其如何按斗輪免  
之處該部查明向例覈議具奏施行

十二月十六日奉

諭旨朕紀年周甲於丙辰元旦舉行授受大典王公

等及文武百官慶賀禮成本應筵宴但朕是日御  
太和殿授寶後嗣皇帝御殿登極若於是日復舉  
行筵宴儀節未免繁縟是以初四日特舉千叟宴  
盛典臚歡申慶宣愷頒酺即以示元正授政於寧  
壽宮初御皇極殿錫賚受賀普迓春祺諸慶俱備  
其餘繁文不必行矣